


主 編 楊世鈺 趙寅松
本篇主編 和生弟 王水喬

大理叢書·史籍篇

卷六

大理白族自治州白族文化研究所 編

雲南民族出版社



主 編 楊世鈺 趙寅松
本篇主編 和生弟 王水喬

大理叢書 · 史籍篇

卷六

大理白族自治州白族文化研究所 編

雲南民族出版社

图书在版编目 (CIP) 数据

大理丛书·史籍篇/和生弟,王水乔主编.
—昆明:云南民族出版社,2011.12
ISBN 978-7-5367-5221-4

I. ①大… II. ①和… ②王… III. ①大理白
族自治州—概况②大理白族自治州—地方史—史籍
IV. ①K927.42②K297.42

中国版本图书馆 CIP 数据核字 (2011) 第 263045 号

DALI CONGSHU · SHIJI PIAN

大理丛书·史籍篇

和生弟 王水乔/主编

策划编辑 高力青 岳 坚 杨红英 杨浩林

责任编辑 奚寿鼎 段 波

封面设计 何志明

出版发行 云南民族出版社

(昆明市环城西路 170 号云南民族大厦 邮编: 650032)

邮 箱 ynbook@vip.163.com

印 刷 云南省地矿测绘院印刷厂

开 本 889mm × 1194mm 1/16

总 印 张 526.5

总 字 数 8600 千

版 次 2012 年 10 月第 1 版

印 次 2012 年 10 月第 1 次

ISBN 978-7-5367-5221-4/K · 1386 定价: 11180.00 元 (共 13 卷)

大理叢書

楚圖南題



目 錄

二、史部文獻

(一) 古代歷史文獻

滇雲歷年傳(二)	〔原書九至十二卷〕	〔清〕倪 蛻撰	……	三
滇小記一卷	〔清〕倪 蛻輯	……	……	三八七
白國因由一卷	……	……	……	五六七
洱海叢談一卷	〔清〕長洲文 果撰	……	……	六〇九

Directory

Volume Six

The Documents of History

The Ancient Historical Document

The Chronological Record of Events for Yunnan, Author: Ni Tui of Qing Dynasty

(Volume 9 to Volume 12) (3)

Notes on Trips in Yunnan, One Volume, Edited by Ni Tui of Qing Dynasty, (387)

The Origin of Bai Kingdom Which Recorded the Bai Nationality's Mythology and Legend

in Dali, One Volume (567)

The Collected Writings of Er Hai Area, One Volume, Author: Wen Guo of

Qing Dynasty (609)

滇雲歷年傳

〔清〕倪蛻撰

滇雲歷年傳卷九

契臯老人倪蛻輯

曾孫慎樞梅岑恭校

起明神宗萬歷十三年盡崇禎十六年

明神宗冲年嗣位初政清明自十一年相國張居正歿後君德日損蓋不勝其驕逸貪惑之心也雲南邊鄙而世多膠於金縷作貢之說神宗於是加貢金開鑛場免閹紛來而西南民力困矣此皆十三年後事也相繫於天下顧不重哉

十三年乙酉六月昆明縣雨雹害稼

以平隴川功賜巡撫劉世曾一品服加侍郎銜兼督川

滇書歷代傳

卷六

貴兵餉黔國公沐昌祚加太子太保賜蟒玉各廕一子
賞資司道府州縣銀緞各有差

陞劉綎鄧子龍俱都督同知副總兵

蛻按此役劉綎功最而鄧子龍攀枝花捷後無聞故
露布內亦俱不及今劉鄧陞賞相同何也又巡撫董
裕師宗何鉦一則會疏請兵一則隨軍宣諭而功賞
俱不及乃知軍興尺籍其有無虛實固不可以常理
拘也噫

秋八月鄉試通省生儒取莫與京等四十五人

志成進士者莫與京張弋邵年齊

冬車里八百俱奉方物貢獻

附隴川逆酋岳鳳解京獻俘告廟儀注萬歷十三年九月日禮部儀制清吏司爲仰仗天威計擒元惡恢復疆土恭報西南蕩平以紓聖懷事奉本部送該本部題本司案呈本部送先准兵部咨稱雲南鎮巡等官某某等恭報節次擒斬逆犯首級二千一百二十八名顆及逆賊岳鳳父子等五名續添莽麼啞安得皮一名押解到京乞要擇日祭告郊廟宣捷獻俘等因題奉欽依移咨前來該本部照例題請於本月二十九日早遣官祭告郊廟是日御前宣奏捷音百官

吉服致辭稱賀其獻俘另行擇日具儀題請等因奉
聖旨是祭告南郊遣官徐文璧北郊朱印禎太廟駙
馬侯拱宸各行禮欽此欽遵隨行准欽天監手本擇
到本年九月初三日辰時吉獻俘等因到司案呈到
部臣等謹將獻俘合行儀注開坐上請伏乞聖裁等
因萬歷十三年八月二十三日本部尙書兼翰林院
學士陳等具題二十五日奉聖旨是欽此欽遵擬合
通行爲此合就行送該司卽行各該衙門欽遵施行
計開一前期禮部告示文武百官具朝服詣午門前
行慶祝禮一先一日內官設御座於午門前楹正中

是日錦衣衛設儀仗於午門前御道之東西教坊司
陳太樂於御道南東西北向鴻臚寺設贊禮二人於
午門前東西相向設文武官及諸番使人侍立位於
樓前御道南文東武西相向及刑部獻俘官位於午
門前御道東稍南南向設獻俘將校位於午門前御
道西稍南北向引禮引文武官東西序立獻俘將校
引俘列於午門前西邊武班之後伺候上位常服御
皇極門鐘聲止鴻臚寺跪奏請上乘輿樂作至午門
樓上陞座樂止鳴鞭訖鴻臚寺奏宣畢贊獻俘將校
引俘至獻俘位北向立定俘跪於將校之前刑部官

滇陽府志

卷六

三

詣樓前中道跪奏云某官臣某奏某官以某處所俘
獻請付所司候旨傳下刑部領旨訖卽同將校押出
施行文武百官入班北向立喝排班班齊致辭官詣
中道跪致辭稱賀訖贊鞠躬樂作五拜三叩頭興平
身樂止鴻臚寺跪奏禮畢樂作駕興樂止百官以次
退右儀注亦載南詔野史似從邸抄中錄出者事屬
雲南所獻之俘且以見明時典禮之一端故附存之
十四年丙戌趙州甘露降

二月蒙化地震城堞官民居俱圯人畜死傷不少
遊擊劉天俸復迤西二城事下巡按御史蘇鄖覈奏以

冒功覆被逮併及金騰兵備俱下獄人咸寃之

滇攷迤西思威既內附其屬部有密堵送速二城久爲緬據威提兵復取之十四年莽應裡徵二城兵不應怒攻破之以多曩長散鐸率兵屯守思威糾思化思順各土兵又求助以復二城遊擊劉天俸令募兵五百往助之緬見以爲漢兵大至驚潰威乘勝殺緬千餘人并二城之從緬者陣斬緬多曩長遂復二城金騰兵備李材上其事下蘓鄴勘覆時在陣多土兵不知取級旣而復往則已腐爛遂以冒功覆奏逮材天俸下獄論者寃之

清寧縣志

卷六

四

蛻按是役也通志所載微有不同云劉世曾以提聞
陞按察使李材右僉都御史巡撫勛陽後巡按御史
疏論迤西功多戮屍抵級下李材劉天俸獄削劉世
曾籍以兩者比并觀之似滇考得實要之苟圖了事
擒岳鳳時已有成見則迤西之功當事所不願自宜
劉李之逮獄矣

十五年丁亥巡撫劉世曾黔國公沐昌祚誅羅雄叛酋
者繼榮改設羅平州

志羅雄酋者繼榮叛撫鎮擊斬之遂改羅雄爲羅平
州設流官後繼榮黨董仲文復叛旋亦剿平

騰越饑七月地震

九月五色雲見於曲靖之西

猛哈思化據蠻莫巡撫蕭彥密令撫夷同知漆文昌撫諭之

滇考十六年九月思順亦投緬朝命以思忠等歸義
陞忠猛密宣撫思化猛哈同知思順蠻莫安撫如邊
城所議也比符信至而思忠思順等已復投緬乃以
忠母罕烘順母罕送各代子領該司印十月應裡攻
猛密罕烘不能拒率其孫思禮從子思仁奔猛廣而
猛密失猛哈思化復進奔蠻莫據之罕送率其子思

五